

UGOVOR
o pružanju usluga osiguranja

Zaključen dana 07.05.2018. godine između :

1. KJU Dom za djecu bez roditeljskog staranja, sa sjedištem u Sarajevu, ul. Bjelave 52, koju zastupa direktor Saudin Đurđević (u daljnjem tekstu: "Ugovorni organ"), ID: 4200556690000

2. "Euroherc osiguranje" d.d. Sarajevo – podružnica Sarajevo , ulica Trg međunarodnog prijateljstva 20, Sarajevo kojeg zastupa direktor podružnice Sarajevo Almad Redžić (u daljnjem tekstu: "Pružalac usluga") ID broj: 4227015330006,

Uvodna odredba

Ugovorne strane konstatuju da se ovaj ugovor zaključuje na temelju Odluke o dodjeli ugovora za pružanje usluga osiguranja službenih vozila, koja je donesena nakon provedenog postupka po pravilima direktonog sporazuma.

Predmet ugovora

Član 1.

Potpisivanjem ovog Ugovora Pružalac usluga preuzima neopozivu obavezu pružanja usluga osiguranja službenih automobila i predaju police osiguranja Ugovornom organu, a sve u skladu sa svojom ponudom broj 887-1/18 od 25.04.2018. godine, koja je priložena uz ovaj ugovor i smatra se njegovim sastavnim dijelom.

Cijena i način plaćanja

Član 2.

Pružalac usluga se obavezuje da će usluge osiguranja službenih automobila izvršiti po stavkama osiguranja i iznosima izraženim u KM u ponudi broj 887-1/18 od 25.04.2018. godine, koja se smatra sastavnim dijelom ugovora. Vrijednost ugovora određena je Ponudom Pružaoca usluga i iznosi 2.964,18 KM.

Član 3.

Plaćanje usluga iz člana 1. ovog ugovora, Ugovorni organ će izvršiti putem Trezora Ministarstva finansija Kantona Sarajevo, u zakonom predviđenom roku trezorskog načina plaćanja, računajući od dana izdavanja police osiguranja Ugovornom organu.

Rok pružanja usluge

Član 4.

Period važenja police osiguranja iznosi 12 mjeseci, i izdaje se ovisno o datumu isteka postojećih polica osiguranja Ugovornog organa.

Trajanje i prekid ugovora

Član 5.

Ugovor stupa na snagu danom potpisivanja obje Ugovorne strane i traje godinu dana.

Član 6.

Naručilac može jednostrano raskinuti ovaj ugovor, ako utvrdi da Pružalac usluga ugovorene obaveze obavlja suprotno preuzetim obavezama iz članka 1. ovog ugovora. U tom slučaju Pružalac usluga je obavezan snositi svu štetu nastalu raskidom ovog ugovora.

Rješavanje sporova

Član 7.

Eventualne sporove koji nastanu iz izvršavanja ovog ugovora, ugovorne strane će pokušati riješiti sporazumno. Ukoliko se sporazum ne postigne svaka strana ima pravo da se neposredno obrati nadležnom sudu u Sarajevu.

Završne odredbe

Član 8.

Ovaj ugovor sastavljen je u četiri istovjetna primjerka, od kojih svaka strana zadržava po dva primjerka.

Pružalac usluga:

Broj: 182331/2018
Sarajevo, 17.5.2018.



Ugovorni organ:

Broj: 952/18
Sarajevo, 07.05.2018. godine

